

廿二史攷異

六

異政史二廿
(六)



廿二史考異卷三十三

隋書一

高祖紀上

漢太尉寔八代孫鉉。北史代作世案。隋史成於唐太宗時。其時不避世字。如王世積、陰世師、馮世基、薛世雄、虞世基諸人。傳皆未回避。此紀風骨不似代開人。代稱純孝。彰不代之業。精采不代。周輔乃宏道于代。代俗之徒。德爲代範。與代推移。行歌避代。皆唐人追改。而風流映世。世子、世孫、世祿、世人。及韋世康、王世積、虞世基之類。仍用本文者。蓋唐以後人又據它書回改。而改之復不能盡也。民部尚書之民不諱。而啓民可汗。則改爲啓人。賀若弼、柳晉華世雄。皆因校書者展轉改易。非史家之例不一也。

方置文深之柱。非止尉佗之拜。此用馬援銅柱事。援字文淵。避諱改爲深字。

開皇元年三月。和州刺史新義縣公韓擒虎。本文不當有虎字。蓋後人增入。毛本無虎字是也。仁壽三年詔云。風雲之從龍虎。亦當是武字。皆後人所改。

高祖紀下

十九年四月。突厥利可汗內附。十月。以突厥利可汗爲啓人可汗。利可汗當作突利可汗。史脫突字啓。

人，煬帝紀作啓民。突厥傳及它傳亦多作啓民者。

煬帝紀下

大業九年十月改博陵爲高陽郡 地理志失載

禮儀志四

後周保定三年陳養老之禮以太傅燕國公于謹爲三老有司具禮擇日高祖幸太學以食之事見謹傳案五代志既編入隋書與周史各自爲部當云事見周書于謹傳於例乃合否則似隋書有謹傳矣

音樂志上

中庸表記、坊記、縉衣皆取子思子。案縉衣或云公孫尼子所作考文選注引子思子云民以君爲心君以民爲體又引子思子云詩云昔吾有先正其言明且清今其文皆在縉衣篇則縉衣爲子思子之言信矣坊記一篇引春秋者三引論語者一春秋孔子所作不應孔子自引而論語乃孔子歿後諸弟子所記錄更非孔子所及見竊意表記坊記二篇所稱子言之子曰者皆子思子之言也

音樂志中

故曹妙達安未弱安馬駒之徒至有封王開府者。安未弱北史恩幸傳作何朱弱。

音樂志下

其歌曲有陽伴。陽伴卽所謂楊叛兒也。

律厤志上

圓周盈數二丈一尺四寸一分五釐九毫二秒七忽。二丈當作三丈。

銘八十二字。今數之止八十字。

王顯達獻古銅權一枚。上銘八十一字。案黃帝初祖以下凡七十九字。并律權石重四鈞六字計之。則爲八十五字矣。

律厤志中

中左、兩晉迭有增損。中左謂中原江左也。然割裂不成文。

律厤志下

朔晨百三半。晨當作辰。今人所謂時也。以十二除朔日法得之。氣朔日法各不同。故朔辰與氣辰數亦異。要皆十二分日法之一也。

日限十一。當作十二。考李淳風甲子元術推日躔。卽寫焯法。其云進綱者。卽盈汛也。云退紀者。卽虧總也。而皆以十二乘之。知此文日限當爲十二矣。

就徑求望者。加日十四。餘九百五十半。下弦加日二十二。餘百八十四。餘九百五十半。下弦加五十九。

當云下弦加日二十二餘百八十三太旬四餘九以下皆衍文也五十九之數於義無當或當云求後月朔加日二十九餘六百五十九。

分餘滿法從日度一句百度有所滿則從去之百當作日毛本作日

度準三百四十八四當作三度準者歲率之半也。

又準度乘朔餘加之準度當作度準

又十二乘辰餘四爲小太亦曰少五爲半少六爲半七爲半太八爲大少亦曰太九爲太當作大十爲大太十一爲窮辰少辰餘之下當有一二三之名不應便從四起蓋脫文也凡以十二乘者卽以十二爲法母十二之三卽四分之一也故爲少而二爲小少四爲小太矣十二之六卽四分之二也故爲半而五爲半少七爲半太矣十二之九卽四分之三也故爲大而八爲大少十爲大太矣十一爲窮辰少則一爲沾辰太矣後世有士元當援吾言以補之。

每加日十五餘萬一百九十九秒三十七此二十四氣恆日及餘也置歲數以二十四約之又以氣日法收之得十五日萬一百九十二分又四十八分之三十七也當云餘萬一百九十二脫二字

小寒節陟五十三當云陟四十三

交月二千七百二十九率四百六十五以交率除交月得五月四百六十五之四百有四而一食也古

法五月二十三之二十而一食。三統四分同與此率相課，則萬六百九十五月之中，古法得九千三百食，皇極得九千二百九十二食。視古率微弱。

交復日二十七餘二百六十三秒三千四百三十五，交日十三餘七百五十三秒四千六百七十九。史失載秒法之數，今以意補之。蓋倍交日之秒數，九千三百五十八減交復日之秒數，其餘數五千九百二十三，是爲秒法也。

交限日十三餘三百五十五秒四百七十三半，三百當爲五百據下文，入交二日餘百九十八以下，入交十三日餘五百五十五以上，皆爲食限。以五百五十五減朔日法，一千一百四十一餘六百八十七，并交日餘七百五十三，爲一千四百四十。滿日法爲一日餘百九十八，與前限相等，是爲交前交後之食限。

五行志下

周大象二年，尉遲敗於相州，卽尉遲也。魏書官氏志：尉遲氏後改爲尉氏，字文當國，凡代北姓，皆令復舊，故仍稱尉遲氏。而當時猶有尉迴之稱。楊義臣本姓尉遲氏，而詔稱尉義臣。鮑宏傳亦云：尉義臣。

神武行殿中將軍曹魏諫曰：北史神武紀作曹魏祖。此脫祖字。

百官志中

周太祖命尚書令盧辯制六官，以魏恭帝三年始命行之所設官名，訖於周末，多所改更，竝見盧傳。不復重序云。案周書載官制名號，命數于盧辯傳，以本書無志，故存其事於傳中也。及長孫无忌等承詔爲五代志，事從其類，宜改入百官志，不當闕其文，而取徵于列傳矣。其後五代志編入隋書，此語猶仍不改，書別兩朝，文取互見，揆之體裁，訖爲允當。且周末改更之制，傳未悉載，不得云竝見盧傳也。

百官志下

上中州減上州吏屬十二人。王懋竑曰：隋文帝父名忠，并中字亦諱之。侍中改爲納言，中書省改爲內史，殿中改爲殿內，中舍人、中常侍、中謁者俱改爲內。皆其顯然可考者。而上中州、中上州、中中州、中下州之類，仍作中，此必非當時本文，或史官以其不辭而改之也。

地理志上

天監十年有州二十三，謂揚、南徐、荆、江、雍、郢、南兗、湘、豫、司、北兗、北徐、青、梁、益、交、廣、南梁、寧、衡、桂、越、霍也。安定郡舊置荊州。案後周嘗置總管府，志失書。

上郡內部縣舊置敷州及內部郡。內部本中部避隋諱改。

朔方郡長澤縣，西魏置閹熙郡，又有後魏太安郡，及置長州。是後魏置南夏州于此，西魏改爲長州也。志有脫誤。

天水郡上邽縣故曰上邽大業初改名當云故曰上封魏志天水郡有上封縣犯太祖諱蓋上邽本漢舊縣後魏避道武嫌名改爲上封至大業初復稱上邽也

隴西郡隴西縣舊城內陶城當作曰內陶本中陶避諱改

枹罕郡舊置河州案後周保定四年置總管府于河州五年廢河州總管改置總管于洮州俄廢仍遷總管府于河州見周書李賢傳

武威郡昌松縣後魏置昌松郡後周廢郡以榆次縣入榆次當作摺次因并州有榆次縣相涉而誤敦煌郡常樂縣後魏置常樂郡後周併涼興大至冥安閭泉合爲涼興縣大至即廣至避隋煬帝諱以廣爲大也冥安當作冥安閭泉蓋卽淵泉史家避唐諱改之

漢川郡舊置梁州此晉宋以來之梁州也梁天監三年夏侯道遷叛入于魏大同元年仍爲梁有梁末又入西魏

西城郡梁置梁州尋改曰南梁州案天監初失漢中因移梁州于西城大同初梁州復治漢中而西城遂有南梁之稱

房陵郡西魏置光遷國後周廢光遷國未詳何人所封

河池郡後魏置南岐州後周改曰鳳州案周書魏廢帝三年改南岐爲鳳州是時周末受禪也後周當

作西魏。

順政郡後魏置東益州。梁爲武興蕃王國。武興卽仇池氏楊氏所據。義城郡後魏立益州。世號小益州。梁曰黎州。西魏復曰益州。又改曰利州。案周書魏廢帝三年改西益爲利州。是西魏以此益州爲西益州也。

金山郡西魏置潼州。案梁書武陵王紀傳太清五年西魏將尉遲迴帥衆逼涪水。潼州刺史楊乾運以城降之。則梁時已有潼州不始于西魏也。

巴西郡梁置南梁北巴州。此條似有脫文。當云梁置南梁州。後改爲北巴州也。考天監八年以北巴西郡置南梁州見梁書本紀。其改名北巴則史未詳其年。當是大同初復收漢中之後。以西城爲南梁。因改此州爲北巴耳。志于普安郡下。又云梁置南梁州。後改爲安州。此則莫能詳其建置之本末矣。

閬內縣本閬中隋避諱改。

梁置北巴郡。當依梁書作北巴西。

巴郡梁置楚州。案梁置楚州于淮南之楚城。而巴郡又立楚州。是同時有二楚州。

隆山郡西魏置陵州。西魏當作後周。

資陽郡西魏置資州。西魏當作後周。考周書閔帝紀元年正月于劍南陵并置陵州。武康郡置資州遂

寧郡置遂州。志于遂州書後周置陵資二州書西魏置。蓋考之未審也。武康郡名志亦失書。
越巂郡後周置嚴州。開皇六年改爲西寧州。案周書本紀天和五年大將軍鄭恪率師平越巂置西寧
州則西寧州乃後周所置非始于隋也。

地理志中

河南郡陝縣後魏置及置陝州恆農郡。案後周晉于陝州置總管府志失書。

陸渾縣東魏置伊川郡領南陸渾縣開皇初郡廢改縣曰伏流大業初改曰陸渾又有東魏北荊州後周
改曰和州開皇初又改曰伊州。案魏志北荊州領伊陽新城汝北三郡伊陽郡領南陸渾一縣與此
志正合。惟伊陽伊川郡名小異爾。周本紀保定二年于伏流城置和州可證後周之和州在陸渾不在
襄城也而志于襄城郡又云東魏置北荊州後周改曰和州開皇初改爲伊州未免復而舛矣。

濟陰郡後魏置西兗州案魏初置兗州于滑臺其後青兗內附因稱滑臺爲西兗太和中始罷此濟陰
之西兗州乃孝昌中所置也。

襄城郡鄴城縣舊曰龍山東魏置順陽郡及南陽郡南陽縣此廣州僑置之順陽南陽非荊州之順陽、
南陽也。

汝南縣有後魏汝南郡及符壘縣。竝後齊廢此僑置之汝南魏志廣州有汝南郡永安元年置治符壘

城即此。

魯縣後魏置荊州尋廢立魯陽郡後置魯州。案魯陽之置荊州在太和十八年至二十二年移荊州于穰城而以魯陽爲郡永安中置廣州于魯陽而齊周因之史未見魯州之名當爲廣州之誤也。

潁川郡葉縣又東魏置定南郡後周廢爲定南縣大業初省入。案魏志襄州有南安郡領安南、南舞、葉南定四縣太和中廢置郢州于此疑即此志所謂定南郡而二史郡名互異未知其審。

汝南郡真陽縣舊置郢州東魏廢州置義陽郡。案魏以梁之司州爲郢州治義陽孝昌末郢州復入于梁乃僑立郢州于此天平中罷州仍立義陽郡以撫其遺民故真陽亦有義陽郡。

新蔡縣東魏置終蔡州終字衍

淮陽郡項城縣東魏置揚州及丹楊郡秣陵縣梁改曰殷州東魏又改曰北揚州。案此條東魏字兩見疑上東字當爲後字之誤魏志北揚州天平二年置治項城不言嘗置揚州。

恆農郡盧氏縣後魏置漢安郡西魏置義州郡開皇初郡廢州改爲虢州志云州改而不言何時置州蓋有脫文考權景宣傳郭贊從王思政鎮恆農授使持節行義州事當州大都督此義州當即治義川郡。

浙陽郡西魏置浙州案魏志有析州即此浙州也魏書以關西爲僞西魏所置州郡皆棄而不書析州

之名既見于魏收書則不始于西魏矣

南陽郡舊置荊州案南郡亦云舊置荊州南陽之荊州後魏之荊州晉宋齊梁之荊州也

淮安郡比陽縣又有後魏城陽縣置殷州城陽郡案魏志未見殷州之名惟郢州領安陽城陽汝南三郡或疑卽此殷州然志于此縣下又云又有比陽故縣置西郢州西魏改爲鴻州則西郢與殷州又似各別魏收志有南郢而無西郢是一是二不可考矣

慈邱縣後魏曰江夏并置江夏郡案魏志南郢州有江夏郡領屈陽郢陽二縣而無江夏縣未知卽此否

東平郡雷澤縣舊曰城陽城當爲成

勃海郡濱河縣濱當作滴讀如商

清河郡漳南縣有後魏故素盧城素當作索

本清淵史家避唐諱追改

汲郡汲縣東魏僑置七郡十八縣後齊省以置伍城郡魏志興和二年置義州寄治汲郡陳城領五城泰寧新安澠池恆農宜陽金門七郡與此志合伍城卽五城也

黎陽縣後魏置黎陽郡後置黎州案周書武帝紀宣政元年分相州黎陽郡置黎州則黎州乃周所置
魏世無此州也當云後周置黎州脫周字

長平郡丹川縣舊曰高都後齊置長平高都二郡案魏志長平高都二郡魏永安中置非始于後齊
上黨郡鄉縣有後魏南垣州尋改豐州後周廢此州不見于魏收志或是西魏所置

絳郡稷山縣又有後周勳州置總管後改曰絳州勳州即玉壁城

文城郡昌寧縣後魏置并內陽郡案魏志南汾州中陽郡有昌寧縣隋人避諱改中爲內

馬邑郡雲內縣後魏立平齊郡尋廢案平齊郡皇興初置領懷寧歸安二縣其廢當在遷洛之後

樓煩郡秀容縣舊置泗州泗當作肆

襄國郡鉅鹿縣開皇六年置南蠻縣蠻當作欒

趙郡慶陶縣舊曰慶遙開皇六年改爲陶案慶陶本漢舊縣後魏永安二年分慶陶置慶遙縣治楊城
其慶陶故縣不見于隋志蓋廢于齊周之世矣隋改遙爲陶雖取故名其實非一地

河間郡舊置瀛州瀛當作瀛

文安縣有狐狸液液當作淀

清苑縣舊曰樂鄉後齊省樊與當作北新城清苑樂鄉入永寧改名焉開皇十八年改爲清苑案清苑

縣魏太和元年分新城置_{新北}後齊與新城樂鄉俱省入永寧又即永寧故城而更其名曰樂鄉隋開皇中又改名清苑實卽後魏之永寧城也魏志謂太和中改樊輿爲扶輿此志仍作樊輿與魏志亦不合

上谷郡遂城縣後魏置南營州淮營州置五郡十都此八字有誤脫屬建德郡襄平新昌屬遼東郡永樂屬樂浪郡富平帶方永安屬營邱郡今考魏志當云置南營州及五郡十一縣龍城廣輿定荒屬昌黎郡石城廣都屬建德郡此志蓋脫十五字又譌四字也襄平以下與魏志同但魏志襄平作太平似當從此志

後齊唯西黎一郡當云昌黎脫昌字

地理志下

彭城郡符離縣有竹邑縣梁置睢州案梁之睢州治竹邑城東魏之睢州治取慮城隋爲夏邱縣地有女山定陶山案晉宋之際僑置南濟陰郡及定陶縣于此山蓋以縣得名

魯郡博城縣舊置泰山郡後齊改郡曰東平開皇初郡廢大業初州廢案志云州廢不云何時置州蓋有脫文以王劭舍利感應記證之當置泰州于此

琅邪郡舊置北徐州案梁之北徐州治鍾離此則後魏所置魏志北徐州永安二年置領東泰山琅邪

二郡不言州所治據此志蓋治卽邱也。

沂水縣舊置南青州及東安郡。案魏皇興初置東徐州于團城其後以下邳爲東徐州而改東徐爲南青。

東海郡涖水縣舊曰襄貢置瀘州後齊改曰睢州。案魏志襄貢縣蕭鸞置東海郡武定二年改置海西郡。

下邳郡夏邱縣又梁置瀘州後齊改曰睢州。案魏志睢州武定元年改置當云東魏不當云後齊淮陽縣又有染臨清天水浮陽三郡東魏并爲甬城縣。甬城魏志作角城太平寰宇記角城在今宿遷縣東南百一十里縣道記云舊理在淮之北泗水之西亦謂之泗城晉義熙中于此置淮陽郡仍置角城縣梁改角城爲淮陽縣後魏改爲角城縣。

江都郡山陽縣有後魏淮陰郡東魏改爲淮州。案魏志淮州蕭衍置魏因之治淮陰城則淮州乃梁所置非東魏所改且淮陰諸郡自侯景之亂始入于魏永熙以前非魏所有也。

盱眙縣舊魏置盱眙郡。案盱眙郡晉安帝所立非始于魏魏字衍。

六合縣舊曰尉氏置秦郡後齊置秦州。案梁書杜勣傳齊將郭元建攻秦州刺史嚴超遠于秦郡則秦州之名梁末已有之矣陳書高宗紀太建十年八月改秦郡爲義州十月罷義州志亦失書。

永福縣梁置涇城東陽二郡陳廢州并二郡爲沛郡此處有脫文胡三省通鑑注引此云梁置涇州領涇城東陽二郡當從之北史潘樂傳涇州舊在石梁侯景改爲淮州樂獲其地仍立涇州此梁置涇州之證也

鍾離郡後齊曰西楚州此梁之北徐州也當云舊置北徐州史脫文也楚州治鍾離城見于魏收志亦當云東魏改楚州皆志之脫漏

淮南郡舊曰豫州後魏曰揚州梁曰南豫州東魏曰揚州此宋齊之豫州也東昏時裴叔業以州降魏改爲揚州普通七年梁復取之仍爲豫州而以合肥爲南豫州太清元年侯景內附乃移豫州于懸瓠而以壽陽爲南豫改合肥爲台州其明年懸瓠仍入東魏又明年壽陽亦入東魏仍爲揚州矣

弋陽郡定城縣後齊置南郢州後廢案魏志南郢州有二此南郢卽治赤石關者武定八年卽齊天保元年故此志以爲後齊所置其實始于梁末也

殷城縣梁置義城郡及建州并所領平高新蔡新城三郡平高當作高平考魏志南建州蕭衍置魏因之領高平新蔡陳酉魯南陳光城清河七郡而新城郡別屬南朔州與此志互異

霸春郡添水縣宋志作希水

黃梅縣舊曰永興開皇初改曰新蔡案晉志孝武因新蔡郡人于漢九江王鯨布舊城置南新蔡郡元